

korero atu kia "Te Pipiwhararua," ara he kupu ruarua nei o taku haere. Me pene: taku tuku atu i taku reta; me tuhi Maori atu e au kia koe, a mau e whakariterite atu mo "Te Pipiwhararua" ma tenei koe, me o hoi hoki i Turanga e matau ai ki taku haere, a hei ona wa ra pea ka tino panui ai—"e rua nga manu e patua ana ki te kohatu kotahi: ara e wha rawa mehemea ka whakaritea e korua ko Peneti kia "Te Tiupiri" me "Te Puke-ki-Hikurangi" kia kapea aku reta i te wa e perehiti ai i roto i a "Te Pipi."

E hari ana au i te whakanukuhanga a te Kawanatanga i te moni whangai (scholarship) Mehema ana kaore ano koe kia tau noa ki raro kua tohea e au te komiti o te Kareti o Hoani kia hoatu kia koe te moni. I rongu au kia Tukuta Mackellar e tuwhera ana tetahi o nga moni a Hune nei, a e hiahia ana ia kia riro ia koe, engari i whakaaro ano ia kei whakarururu noaiaho i a koe, a i te kaha o to hikihihi haere i tenei tau e kore pea koe e puta. Me tuhi koe ki te komiti o te Kareti o Hoani, he tono i taua moni kia homai mau Mehemea ana tokoono tamariki Maori mohio tera noa atu e ora i te Kawanatanga o tatou hoa hoki. Kua kaha rawa te tona i nga tamariki Maori kia haere ki nga kareti nuui.

Kia mataara tonu koe mo te whakawakanga e te Hupirimi Kooti i Poneke o te whenua i herea hei turanga kura i Porirua; Kua tukua atu e au tetahi waea mai no Poneke, no roto i te "Star"; me whakamaori mo te Pipi me era atu pepa hoki. (Kua kapea mai e matou enei korero i te "Evening Post" o Poneke, a kua taia ki te Pipiwhararua—Etitia). Kua timataria e tatou tenei mahi nui, a kaata me whakaoti. Koia nei te wa hei whakaoranga i to taua iwi, i te taia ki ana, a tena ra i te mea ano e ki ana te tai kokiringia te waka.

A te Turei nei au haere ai ki Opotiki kia kite i a Tataikoko raua ko Timutimu. Ka hoki mai i reira ki Whakatane ki te hui a te 24 o nga ra. I muri iho, ka ruku au ki roto o te whenua o te Urewera mo te wiki kotahi, ka hoki mai ano i reira ki Opotiki, mai i Opotiki ka maaro taku haere ma uta. E pau pea te rua marama. Tera pea au e tae atu ki Turanga a te wiki whakamutunga o Mei, kei pai ana te huarahi mo te haero. Kei te whiriwhiri taku ngakau mo tetahi wahi atahua hei turanga mo to "Pa Tauira"; a kaati e toru ano nga kainga e

mohio ana i au, ara ko "Te Kaha," ko Te Kawa Kawa (i Waiapu), ko Kakariki, ko Taumata-o-Mihi ranei.

Kei te whakariterite au ki te Etita o te "Poverty Bay Herald," mo etahi korero e tukua atu ana e au. Kua rite i au ki nga etita o konei, o Nepia, o Poneke, me Otautahi (Christchurch); kanui te mahi tuhi-tuhi i au

Hei kona i au mahi. Ma te Ariki tataua e awhina e whakapakari.

Na to tuakana aroha,

APIRANA T. NGATA.

(E te Tiupiri, e te Puke-ki-Hikurangi, me te Paki-o-Matariki kapea tenei reta, me era atu reta hoki a to tatou hoi a Apirana Ngata, e rapu nei i te ora mo te Maori. E kore e taea te tuhi a-ringa atu, i te nui o te raruraru ki a Apirana ki au hoki. Na to koutou hoa aroha.—Reweti T. Kohere.)

KO TE MANU KO TE HEKEI RANFI?

I huihuru etahi tangata i te ahiahi ki te whare o to ratou hoa, tokotoru o taua hunga he tamariki, ara tokorua nga mea wahine, kotahi te mea taane. Ko nga tamariki wahine e titiro ana ki te Paipera. Ka whakataata mai te mea taane, katahi ka ui, "He aha ta korua e korero na?" Ka whakahokia atu e te mea pakeke o nga tamariki wahine, "E korero ana maua i te Paipera; he aha to ui?" Te katanga o te tamaiti taane, "Ha! ha! ha! i mua i au e tamariki ana i korero au i te Paipera, i whakapono hoki ahaui ki ana korero, otira inaia nei, kua pakeke nei au, kua tae hoki ki te kareti, kua mutu rawa atu taku whakapono ki nga korero o te Paipera; e mohio ana au kahore kau he Atua; ko nga korero mo te Atua he maninga noaiaho na te tangata." Kahore rawa nga kotiro ra i wehi mai i te matau o tenei tangata kareti, mea atu ana ano te mea pakeke, "E ki, i te nui o to matauranga, e mea ana koe kahore kau he Atua; kaati mau na te tangata mohio ki nga mea katoa e whakaatu mai kia maua kuare nei, 'Ko te hea i puta mai i te tuatahi o te heihei raua ko te heeki, ko te heki ra nei?' Hohoro tonu te whakahoki mai a taua tamaiti taane, "Koiana noa ta korua patai, ma te tamaiti kai-n e whakaatu tena patai hauwarea. Ko te heihei ra i whanau mai i te tuatahi; kaore ano ia korua na kia mohio noa?" Ka mea mai ano tetahi o nga kotiro, "Kaati ra e ki ana koe, tera